



Komunikadu Imprensa
Parlamentu Nasionál
11 Novembru 2020

**Komisaun A PN Primeiravés Envolve Representante Governu Lokál sira
iha Audénsia Orsamentu Jerál Estadu 2021**

Komisaun A Parlamentu Nasionál (PN) ne'ebé trata kona-ba Asuntu Konstitusionalidade, Justisa, Administrasaun Públika no Boa-Governasaun iha Tersafeira 10 Novembru 2020 halo audénsia públika loron tomak ho Ministériu Administrasaun Estatál (MAE) ho nia estrutura sira.

Iha Audénsia ne'e, primeiravés hetan partisipasaun husi representante autoridade governu lokál sira hanesan Prezidente Autoridade Munisipál sira husi Munisípiu Baukau, Dili, Ermera no Bobonaro inklui mós Administradór Munisipíu sira husi munisipíu 8 (walu) iha Timor-Leste.

Objetivu husi audénsia ne'e mak atu rona direktamente preokupasaun no rekomendasaun sira husi autoridade governu lokál sira nian ne'ebé representa ida-idak nia munisípiu. Nune'e, bele enkuadra preokupasaun sira ne'e iha relatóriu paraser Komisaun nian ligadu ho proposta ne'ebé mak alokadu ba kada munisipíu iha Proposta Orsamentu Jerál tinan 2021.

“JSMP apresia aas tebes iniciativa Komisaun A nian ne'e no konsidera hanesan meu ida ne'ebé di'ak liu atu Parlamentu Nasionál bele rona direktamente hanoin, preokupasaun no situasaun real husi munisípiu sira nian. Nune'e, bele aloka orsamentu ne'ebé refleta duni realidade no nesesidade munisípiu sira-nian,” dehan Diretora Ezekutiva JSMP, Sra. Ana Paula Marçal.

JSMP rekomenda atu alarga audénsia públiku ho komisaun especializada sira seluk iha asuntu oin-oin relevante ba interesse dezenvolvimentu munisípiu sira nian entre Parlamentu Nasionál ho autoridade munisipál sira iha futuru, la'ós de'it ba iha Lei Orsamentu Jerál Estadu nian.

Partisipa iha audénsia públiku ne'e, Ministru Administrasaun Estatál (MAE) ho nia vise ministru ne'ebé akompaña husi Diretór, Sekretariadu Tékniku Administrasaun Eleitoral, Arquivu Nasionál no Prezidente Autoridade no Administradór Munisipíu sira.

Rua Beco Lakateu, Aldeia Manufuik,
Suku Colmera, Administrativu Vera Cruz
Dili Timor Leste
PoBox: 275
Telefone: 3323883 | 77040735

www.jsmp.tl

Facebook: www.facebook.com/timorleste.jsmp

Twitter: @JSMPtl

Atu hetan informasaun kompletu bele kontaktu:

Ana Paula Marçal

DiretoraEzekutiva JSMP

Email: ana@jsmp.tl

Telefóne: 3323883 | 77040735

Website: <http://jsmp.tl>

Rua Beco Lakateu, Aldeia Manufuik,
SukuColmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

luis@jsmp.minihub.org

Facebook: www.facebook.com/timorleste.jsmp

Twitter: @JSMPtl